

Werk

Titel: Protocolls della vischnaunca da trun

Ort: Erlangen

Jahr: 1911

PURL: https://resolver.sub.uni-goettingen.de/purl?345572629_0030|log25

Kontakt/Contact

Digizeitschriften e.V.
SUB Göttingen
Platz der Göttinger Sieben 1
37073 Göttingen

✉ info@digizeitschriften.de

PROTOCOLLS DELLA VISCHNAUNCA DA TRUN.

(Ineditum nach Ms. Trn.)

[p. 47] Anno 1703 ils 25 da Julio ei wegniu dau ora ils ogniur
entras il obrigkeit da quei temps ad auters signurs ordinaus loutier ils
quals tuts wignien chou suenter nomnay sco nomnadameing.

5 Il sigr: Mistrall Hereli Caprez
sig: Stathalter Crist Cafanoua da quei temps Giraus
sig: Stathalter Crist Soliua da quei temps Stathalter della Wischnouncha

sig: Stathalter Hans Jacob Jagmet er dil Cusegl
10 sig: Stathalter Jacob Rensch da quei temps Salter.
Lautier en stay ordinay della Wischnouncha nomnadameing.

Signiur Stattalter Loregn Lombrifer
sig. Stathalter Matias Albrecht
sig. Stattalter Mihell Caplazi
15 sig. Stattalter Gion Calianard
sig. Stattalter Jacob Wolf
sig. Giunker Tschiegn de Capaull
sig. Albert de Cafanoua
sig. Balzar de Cabalzar

20 Ad ei tras quels wiun nomnaus Signieurs mefs giu ils pugn a pags
sco wegn chou suenter scritt

Prim

Deigi ei wegni faig wuors à tgiei che in Lodeiuell obrigkeit affla
per bien sche deigi ei wegnir faig obedienscha da far las laur cominas
25 à tuchontier quels dellas sorts deigien pinar la pigniola sco glei scrit
ent il cudisch da Soing Martin —

2.

Tucontier la punn deigi mintgin hauer patienza scha ei pares da far
la punn enten auter logs noffs scha seigien ei culponzi da char schentar
30 senza conterdir à viadis loutier.

3.

[p. 48] Dauardt ils mundis deigi ei 10 ú 12 dis auonn che ei ne
wommi ad alp deigi ei wegnir faig schierm

á tgi che les arrar pofsi 8 dis auon igl schiarm era arar a metter
s. h. la grascha sils funs deigi ei bucha wegnir mes avon che ei vegni
faig schiarm

ner tgi che les ladar deigi era schar entoccen wytier arrar

4.

5

Del trer sifsura s. h. il cultim pofsi mintgin trer a metter ladimers
tgiei temps ch'el wull. a dauardt ils wuors curcha ei senflas per bien da
far, sche deigi mintgin efser culpons da schar schentar.

5.

Tuchont tier ilg clauder deigi ei tgiei ca pofseiuell ei wegnir faig 10
miirs enconter la Strada á deigi wegnir claus suenter nodas á tiarms.

6.

Dauardt la taglia deigien quellas sorts efser sutt enquall causa per
la prima gada oreiffer autra rauba per enconoschienscha d' in obrigkei
della Wischnouncha 15

á tgi che fus bucha sifens enten la Wischnouncha scha deigi el
wender ner schar yra da pofseder á quei s' entaly era bucha poder wender
ordt la Wischnouncha.

7.

Dauardt l' auua da schuar nua chei podes wegnir schuau deigi da 20
mintgin wegnir dau dug in á lauter sil mender donn ad era sil mender
donn deigi wegnir dau wiadi da wegnir tier la galsa nua che ei saffa
per bien da far las porteglias ad enten quatter ons deigi ei efser tigliau
giu la lenna.

8

25

[p. 49] Tuchontier la crappa deigi ei wegnir traig á mels mintgin sin
il siu nua che in obrigkei affla per bien, a sche ei parefs enpau pli tier
ner empau pli lunsch — —

9

Dauart wender á comprar pofsi mintgin wender á comprar suenter 30
siu bien plascher enten la Wischnouncha

á quei funs deigi bucha wegnir faig sy ni á Spendas ni á Claustas
ni á Baselgias ni á Beneficiis ni á peruendas

10

Tuchontier ils custs che ei mafs enten il parter ora deigi wegnir 35
pagaus suenter sorts tgiei ch'ei vegn comandau á deigi wegnir mels ner
priu giu auon che retscheiuer la sort.

11

Deigi wegnir gudiu mo tgiei che ei se po wegnir gudiu con faulsch

á rasti á farela a zun bucha enten staigl da saghar pischentar con s. h.
biestgia ner auter tiers a deigi wegnir pindrau á stumau adual auter praus.

12

Deigi era efser 15 dis enten 7 ber: fañau a mediu sy tutt. á lura
5 pofsiy ei wegnir schau larg las biestgias s. h.

13

Ora dadens la punn Rein da Zigniau deigien era per sort che ei
sbuas giu da gliets rieuven che ei ruinas la wia da yra suren sche deigi
ei wegnir schau yra sutt en entrochen ch'ei pofsy wegnir pinau la wia.

10

14

[p. 50] Dauardt ils wuors seigi la Wischnouncha obligada dus diis een
onn da far lauor comina. a sche ei pares tgiei temps chei fus, che ei les rumper
ora u ruinar entras malas aurafs ú auter prigels che ei wegnies clamau
lauur cumina deigi mintgin efser obligaus da d'ira quei sentalli tutt la
15 Wischnouncha generalmeing schei velsen gie wendiu lur sort —

15

Dauart ilg bagegiar pofsy mintgin bagegiar sil siu ad yra a wegnir
mintgiamay tras la pli tier porteglia á siu prau á tutt quei adina sil
mender donn

20

á milsanauon dauardt il clauder degi mintgin suenter la strada
wurdar che ei vegni claus sufficientameing á suenter nodas á tiarms che ei
pofsy wegnir vrentau d'in oberkeit

16

Plinauon dauardt il wau della Farera deigi wegni dau negin empi-
25 diment da Piscigiar sonder deigi efser libers á frys sco da wegl ennau

17

Finalmeing per bucha ruinar quels Vuordens á paigs ch'ei wegni
bucha scuitschau plinauon ils paupers

Deigi era bucha wegnir frietau plinauon,

30

sche enzatgi fus enconter, sche deigi nagin oberkeit star tier ad in
tall che wegnies á garegiar da far fry tuttawia quels praus.

18

Tuchontier ilg trer il frig deigi mintgin, ton anen sco anora yra tier
u ora della emprima porteglia á la pli wischiuna á siu prau

35 [p. 53]

Anno 1704

Eis ei entras riug da enzacons particulars wischins da Tront wegniu
concediu de schar prender ora enpau auua ordt ils bishels della fantouna

gronda a schau manar via sper la casa del meister Hans Caglianardt, la quala
causla ils Wischins h'an concediu, schi dig sco ei samegli bien ad els de
schar yra via, mo churcha enzatgi wels da murmignar entras quei, sche
deigien ei elser culpons da dar sy lur bishels á schar yra lauua tier la
fantouna wiglia pertgiei quei temps che vegn schau guder quella auua sche 5
wegn ei schau guder per cortesia a grazia a zunt tuttaua bucha per nagins
dreigs a sche per sort che ei wegnies gudiu biars diis ad ons á enzatgi
salamentas sche deigien ei elser culpons da schar yra lauua tier la fantouna
wiglia sco widauon ei dig á quei ei mels per scritt ent ill Cudisch della
Wischnouncha sinaquei che ei neschi bucha dispittas lundrora tras scaff-10
ment dil oberkeit

Laus Deo.

[p. 55] Año 1720 igls 21 da 7tember à Trun en igls undraus Signiurs
da quey tems ensemei cun tuta la ludeiula Visnaunkha vegny bein perina
à concludiu dauard igl skhargar da dalp cha chaudenuy à per adina deigy 15
vegnir skhargau igl dy aunkha la vigelgia S. Mihell non elser empidimens
della aura ne cha quey dy curdas sin dumeingia àschia pofsy mingin
sataner lasuenter die et Ao ud supra

Año 1720 han puspey in ludeiuell oberkheidt da quey tems esemei
cun inâ ludeiula Visnunkha cuncediu à gli Sr. Str. Hans Jacob Jagmet 20
da bagegiar in faner da sper siu Clauau da chasa cun quela cundiciun cha
chaudenuy deigy el buca sut quell ply puder ny bagiar ni cuar sunder
schar ledy à fry sco ey sa safly al presen

Ao ud supra

[p. 59] Año 1730 en Tron

25

Eifei entras quei che l'aua, che veng manada vi ent igl hoff digl
avatt ei stada fretgia giu scha an tals à quals murmigniau che quei pofsi
ii deigi bucca daventar. sonder l'aua deigi irra via el hoff senza pregiu-
dezi digl vigg
a sinaquei an traig astrada sin visnauncha nua che ei glei vigniu ligiu giu 30
questa vidavon concessa stada favur à gli sr. str. Hans Caginart cun ses
vischins, da haver giu schou prender lau tier lur calsas in bishel aua per gratia
è cortesia, ad aschia ei questa causla rite isaformada à lubida senza
pregiudeci à gli vischenadi ii vigg da Tron che àschì digg scho tutt
varteschi che naging marmogni pofsiens quels digl hoff prender via l'aua. 35
ad erra sche in vaschin ne lauter les fierer giu quella aua scha pudes el
quei fa suenter fii bein plischeé à curra che el les, senza tema da naging
et quella aua sche mo in vaschin fus ancunter da bucca vuler schar manar

via sche pudefsen ei quella aua bucca manar via fonder stuefsen schar irra tutta tier la fentouna digl vigg, e quei ei mes per schrit sinaquei che ei detti naginas dispettas denter vaschins.

[f. 69] A° 1743 igls 12 de Maig

5 Auont in lodeivel obrigkheit stathl. et entirra Visnauncha da Thrunt sin ilg ordinary platz ei conporiús sig^r stathl. Joseph Hütender humili-teivlamenig figent entellir qualmenig el intencionauf de danouameing tornar a bagiar sia calsa la qualla se affla sin ilg platz enten ilg vig de Thrunt tier la qualla agli seigi zun necessary per enpau sullom per quella poder
10 carschentar ilg qual sullom el aschia suplichezi che ina ludeivla Visnauncha agli buntadeivlamenig vegli conceder, ei aschia da din lodeivel obrigk: e Visnauncha sin damonda concedida cun clarra conditium e reserua, sche naging lau enconter oppony, ne protesty et erra che el seigi obligaus da mantener ina canal suenter beinplische e comoditat de Vischins dator calsa
15 sidengiu la qualla porti dauenda la stella sin ilg mendeder don, nua che suenter enqual chin Vischins da quei ha serefsentiú! ha el se obligau della gronda dadorra bucca far ply ca da mietz brach, et ton quella, scho sutt calsa enten naging graus poder goder /. seneciar ner cuar sonder adinà schar libras, et parsorth che el de quellas varth enten enqual grau les monchar
20 tallmeing che lau tras arriuas enqualcha dispetta deigi il obrigkheit della Visnauncka efser derschader, et el obligaus de obadir senza auter recurs ilg qual tutt ei scritt per ina memoria alla posterioritat et dilg sig^r stathl. da quei temps suttaschrit die et Anno ut supra

Mathias Berther stathl.

25

mp.

[p. 71] Año. 1750. Igls 7 da Juny suenter ca ina ludl. visnouunca da Trunt, ei suenter ilg solit saremuada enten ilg ordinary liug a platf ei cau vigniu tras in einheillig pli legiu ora ilg oberkeit sin quei di efsent
30 ilg ordinary di tras ina malla aura empedius, ei aschia suenter quella ellectiun efser faigtgia, et gratt avon sapresentau ina occalsiun tras la qualla ei ves podiu arivar ina gronda disgracia, a per a quella et autras prevagnir per ilg avegnir eifei unitameing per spazi da 5 ons priu si a decretau sco vegn cau suenter

35 1^{mo} Ca per spazi da 5 ons deigi tutt vin da cavals efser rutt giu. Sco era ilg sitar, et saltar senza lubientscha dilg hl. Parher et pro

2^{do} Deigi per quei vidavon temps tutts giugs da hartas a troccas efser scumendai sutt peina da r 5. a quella peina deigien curdar, ner incurrer tont quels ca giogen sco quels ca lain la calsa, u la comodittat

da giugar, a quei sa enteli per in a mintgia in ca gioga, ilg qual decret ei da certs vegnius encuregs da interrumper et garegiaus da danovameing vignir referius a portaus avant agli lud. visnounca ilg qual ei tras in ludeivel obr. per istanza dils tals contraris vegniu sin igls 29 da 7bris danovameing referiu ad ina ludl. visnounca la quala ha 5 danovameing quei decret confirmau et ratificau cun quella clara camonda ca ilg lud. ober. deigi flisameing tont quels ca entoccen ufsa han quei decret surpalsau, sco quels ca da caudenvi vegniefsen a surpalsar senza nagina grazia suenter ilg decret exequir.

[p. 72] Ad aschia per tont pli bein la voluntatt della ludl. visnounca 10 poder adimplir et mantaner en pli frestgia memoria alla posterioritad, ei ques decret tras in lud. oberkeit da quei temps mes enten ilg urbary dela visnounca igls 29 da 7bris año ut supre.

[p. 73] A° 1752 igls 15 da August suenter quei ca ina ludl. vischnaunca ei stada enten igl ordinarij liug rimnada ei sei tras in einhellig pli 15 ordinau da ca da caudenvi deigi nagin particular poder sapatronir, ni per nudar ner prender a manar ner portar daven lena, sonder quella lena, ca las auas meinen tier sin pistira deigi vegnir traig a interés della vischnounca tont quella ca ufsa sa afla, sco quella ca da caudenvia vegnies a vegnir della aua manada tier. 20

in fede da quei ha igl st^r da quei temps sutt scrett tras sia noda calsa per auter bucca saver scriver



[f. 102] A° 1755 els 11 mag en Thrunt

Efsent sig^r stathl. Johan Calsanova scho possesur della calsa digl sig^r de Antonis enten ilg vig de Thrunt ententionaus de quella de nief 25 bagiar et erra quella ingrondir ner creschentar ilg sullom ton scho ilg überfluß della calsa veglia ad aschia ves quei podiu darentar enpreiudecj de particollars vischins et erra della fantauna ad aschia vefsent lurra che ei seigi quella intentiun sche ei sei vegni mes ina sollemna protesta, sina la protesta faigtia ha ilg sig^r stathl. Gion Calsanova scho possesur se 30 contentau et se obligau che el ner ses vignen suenter ufsa e per adina schar quella grunda sutt Calsa mai goder ner per la mendra calsa poder cua — —

in fede Hans Li-
conis statth.

[p. 77] A° 1755 ils 20 de Maig en Trun

35

Efsend ina lodeivla vischnaunca suenter il solit rimnada ensemen, sche ei Marti Tomaschet comparius, et ha con tutta submifsion humilliteivla-

meing rogau che ina lodla vischnaunca / : per en ses grons baseings poder segidar : / vegli a gli conceder de far in cuolm en Rung cuort.

Sin la qualla aschi humiliteivla damonda ina lod^a vischnaunca per el en ses baseings gidar ha concediu sin fuorma sco suonda et obligau in 5 lod. oberkeit de la vischnaunca che ei deigien ira sin il liug a terminir con questa clara reserva. —

1^{mo} Che figient il suplicout in cuolm sche deigi ei vignent faig don buca poder vigni ni pindrau ne stumau, seigi pisturs generals, ne particulars che velsen s. h. tiers che figiesen don, et malsen en quel, sco era per 10 far giu lena sche ei figies don ne ruinas ils bageigs sche deigi el il semiglion ver vid safsez.

2^{do} Che quella donatiun seigi caritativ per l' amur de Diu spirameing a gli et a sia desendenzia fatgia, et che ni el ne sia desendenzia pofsi alliena ne vender sut nigin tetel sonder quei deigi solletameing per el 15 survir, et en cas che entten cuort ne liung tems vignies surfaig, sche deigi quei elser curdau a gli vischnounca.

3^{tio}. ils pisturs aber pofsen vigni rogai de il meins de jully entochen miez uvost bufatgiameing schaniar senza pregiudizi de vischins, ils viadis per ils pisturs aber en munconza de trugs che malsen giu sco glei oz il 20 di sche deigi il suplicond ne les vignien suenter elser obligai de schasentar la seif ton che ei pofsen ira suenter il baseings senza impediment sin la quall comisiun de d' ina lod^a vischnaunca elsen nus geraus, et consigliers, a salte, con clamar era il sig. Sandt^r. Caprez, et vein terminiu sco suonda

25 1^{mo} vein nus mes in per tiarms ent' il vignir si dil trug ora dil cuolm de Matias Caplazi sin il pli ault et sin il spig sura il trug che ei maven vivon con la vachas de casa, lauter per grad ora sin lauter spig, et ora dem ei mes dus auters tiarms in che taglia enconter quels.

[p. 78] et in che taglia per sum spig si suenter la val, et si a miez 30 da maun enconter la schetgia, ei era mes in tiarm, a sisum ei mes sur en et ora trei pera tiarms in per ora tier il crest dadens la schetgia che taglia in en giu con tschels ora dem, in per a miez en, in per sin il spig dadens il fistaig Rensch che taglien ora enconter schels si sum et ei aschia restau pistira della vischnaunca sin tuts mauns —

35 A^o ut supra

sin ils 7 de 7bre ei vigniu faig vischnounca et aschia vigniu ligiu giu sin vischnounca publicameing plait per plait, la presenta donatiun con las conditiuns sco stat scret sura, et ei aschia vigniu senza contradic- tiun approbbau, de la entira vischnounca con camond de registrar entten 40 il codisch della vischnounca il qual ei era daventau fidelmein de plait

per plait sco cau stat scret et aschia quella copia vignida dada a gli Marti Tomaschet, sco possesur dil medem cuolm nomnau Rung cuort.

[p. 79] A° 1755 ei sin la vischnaunca de schunceismas vigniu dau lubiensch a tgi che vegli de puder prender ora in tog pistira, nua che seigi carschu en con caglias ner vuaul, et schubergia à runcha ora et poder 5 sez en particular goder 20 oñs il Maig entochen ira a dalb, suenter aber efser comin et pafsau ils 20 oñs deigien ei stuer tormentar a gli vischnaunca che seigi schubergiau ora, con quellas conditiuns pia eifsei schau a gli sigr. staltalier Gion Calsanova quella pistira dadora siu cuolm de Montasch sco il cuolm va si e giu tochen ora tier la val, enschiet a goder a° 10 ut supra

Gion Frisch de Zignau ha priu in toc pistira fur Mallapiarder sco ils tiarms p mufsen enschiet a goder a° 56

[p. 89] A° 1756 ils 27 8ber en Trun

Entten vertida dispetta denter ina lodl. vischnaunca de Trun et il 15 sig^r president Gasper de Capol sco vugau dils artavels de Mathias de Camenisch de p. m. davart ils funs nomnau il prau Gion Vallentin, nua che il bein nomnau sig^r president de Capol pretendia che il medem prau vargi pli lunsch che la clafsena oz il di seigi, et aschia era entochen ufsa giu, et gudiu in ruafseivel posses della lena schada davos dil rein. 20 da pia aber che sa vigni mufsau nigins tiarms sche ha ina lodl. vischnaunca quei buca pli volliu sorfrir, et en circostanza presenta volliu bagigiar ina pun cartent che quei seigi pistira, et ei vigniu enconter protestau dil vivon pli nomnau sig^r president, et domendau ina scomendada en fuorma dil sigr land^a regent 25

Ei aschia vignu accordau per spargniar spefsas a cuosts ton de ina sco de lautra part en fuorma sco suonda.

1^{mo} Resalva la lodl. vischnaunca ora quella lena che vignies schada davos dil rein che vegni dovrada ne sapi vigni dovrada per mantenimen della pun Rensch, sco era sche ei fus per far aifses en cas de grons bafseins 30 per la vischnaunca de se survi per las puns, quei aber che resta deigi restar et efser solletameing dils medems artavels che nigin auter particulars pofsi prender

2^{do} deigi quei che ei buca claus ora restar pistira sco glei ufsa et efser della vischnaunca, tal vifsa che ils sura nomnai artavels Camenisch 35 haigien nigin jus ne pretensiun de quei che ei buca claus ora resalvon la lena sco dispona si sura artic: 1^{mo}.

3^{tio} Eifsei della vischnaunca refservau che vignient lena de rein deigi dils possesurs de quei prau, vigni vifsau il st^r della vischnaunca sina-

quei che sapi vigni priu ora quei che seigi il baseings per la vischnaunca sco dispona il nomau art: 1^{mo}.

[p. 90] 4^{to} deigi quei che ei ognia et caglias verdas vigni schau sta per schetgia, et ton de ina sco de l'otra part buca poder vigni pinau

5 5^{to} Alla fin eifsei per concluder che vegni evitau dispetas vigniu mes tiarms con lunsch quei vegni intelgiu et ei mels in tierm enttadem dadora ils peis dil pioing velg che taglia videnau et veng ora circa 27 schuncheismas entochen in auter tierm che taglia sco il emprem, et in ora dem el cantun della seif che mufsa con en nau ei vegni enconter il prau del ognia et
10 taglia enconter schels dus en et ora

de quei ei dau ina copia semiglionta agli sig^r president et sutascrit sco sut

Alb: Nay

Nicolaus J. Berther mp^a

Gasper Capol mp^a

15 [f. 93] A^o 1758 ils 2 de 9ber en Trun

Eftend vigniu reportau ad in lodl. oberkeit della vischnaunca qualmeing il s^r. salte Francesch Cagenart de Rabijs possedi in cert cuolm siu nies teritori si mun, nua che quel seigi vignius carschentaus et se saffi de present la seif pli lunsch che sco ils tiarms mueltsien, sin il qual
20 report in lodl. oberk. ha priu il augenschein er anflau che seigi ver suenter quei che sin tuts quater cantuns ei anflau sufziens tiarms, mo sedaclarond il sura nomnau salte Franceschtg, che el haigi aschi artau et part comprau, et sez aigi buca avonzau con la seif sco las perdetgias aschia era en part han quei confirman, mo vesend aber che ils tiarms seigien guesas perdetgias
25 cho il prau deigi efser sche ha el suplicau en grazia de schar la seif en siu liug et termini suenter quella, con remetter a quels sig^{rs}. tgei el per quei does reconpensar, il qual in lodl. ober. ha da sasez buca podiu conceder senza dar part ad ina lodl. vischnaunca et ei aschia portau sin publica vischnaunca fatgia suenter la solita fuorma sin il emprem de 9ber et ei sin
30 la suplica fatgia sco sura, a gli sura nomnau s^r. salte vigniu concediu sia domonda, et obligau nus alla fin suttascrits de ira si et metter ils tiarms il qual ei daventtau sin il datum della entschata scrits sco suonda per il emprem eifsei mes dadora enconter damaun dua pera tiarms el prau in per grat
[p. 94] dado clavau sura in crap ora tier la seif, et in per in tog pli en giu
35 era sut in crap gron era ora tier la seif senza quels che en stai vidavon sin ils cantuns, iten in per giu sut enta miez il prau giu tier la seif, et in per endadens si sura quei spig che taglien si enconter quels si sum et en giu sco nies teritori ei et il davos vein nus mes in per si sum enta miez el fop si tier la seif, che taglia en et ora, et ei aschia en tut nof

pera tiarms tuts el prau dadens la seif, il qual ei darentau con auctoritat della vischnaunca et terminiu il di et on sco sura — — —

Alb. Nay sco girau
et deputau
Nicolaus Joseph 5
Berther gerau et
cau tier deputau mpa

de quei ei sin istanza dil sura nomnau salte Franceschtg vignu extradiu et dau a gli ina copia de plait per plait et sutascrit sco sura.

[p. 97] A° 1759 ils 4 de Marz en Thrun 10

Ei suenter la solita fuorma vigniu salvau publica vischnaunca, et ei compariu Christ Rensch de Zignau il qual sco artavel de st^r. Hans Geri Capol de f. m. ha faig entalli che el ufsa entras ina compra haigi traig à safsez in cuolm che seigi stau de siu aug nomnau il Crest, tras il qual ina lodl. vischnaunca sesurveschi de vigni a tras de tut tems con trafs cura 15 che il baseigns festhi aschia cregi el era che per reconpenza de quei deigi el poder pinar ord la schetgia de Montatsch la lena che fetschi de baseings per bagigar et mantener ils bagegs che seafien en quei cuolm, auncalura per viver en paisch con la ludl. vischnaunca sche sedaclara il sura nomnau Christ Rensch sche ei vegni concediu de pinar en la schon 20 mentuada schetgia lena soletameing lena de schlondas per mantener ils tegs de quels bagegs che seien ne vigniefsen bagiai en quei cuolm. sin la qualla damonda ina lodl. vischnaunca ha concediu che el ufsa et per adina tgi che aigi quei cuolm pofsien pinar lena de schlondas quei che feschi beseings per quei cuolm sco sura ei scret, zvar con quella limitaziun che 25 cura feschi baseings de pinar in len, sche deigi vigni clamau cau tier in dil seramen sinaquei che la vischnaunca sapi nua vegni pinau, et era sche sei auter de survigni sche buca pinar trafs.

[f. 70] Ao: 1762 igls 27 da Juny

Efsent ina lud: visnounge rimnada more solito enten igl vig da 30 Darvella per cau far, et determinar lur auters uordens, ei sin quella compariu igl sig: st^r. Gioseph Maria Huondⁱ. suplicont da agli conzeder da guder per siu agien dacaudenvia en perpetten la grunda dadora encunter damaun da sia calsa enten igl vig da Trunt sin igl cadruvi; ad aschia 35 enten consideraziun digls buns servetschs ca el sig^r. st^r. renda agli lud. visnounge ei quei agli vegniu accordau. et per ina memoria alla posterioritat ei quei vegniu registrau en quest cudisch et per fede tutt scret digl sig^r. statthalter regent

Anselmo
de Chortins
mp. 40

[p. 106] Ao 1763 igls 5 da aprill ha igl sig^r str^r Tomas Frisch cun ses interefsai della grotta proponiu, et dumendau da ad els lubir da schar clauder gradt giu entroccen igl Rein per spergniar la clafseña. igl qual ei ad els lubiu cun condiziun ca per nott ca la lud. vischnaunca sa resolves 5 da far la pun enten il liug vegl ca els seigien obligai da tscheffentar la seif sco da vegl. sinaquei ca sa pofsi far la via

Bon mier Anselmo Baumgarner Als stat^a

Der f. hürherung Truns Mp.

[p. 109] Ao. 1763 igls 24 de May ei sey vigniu ordinau della enzemen 10 rinada ludeivla vischnouncha che tgi che detti quattier, u lasschi star hinderses, degi quell esser responsabels per las

Chrunas de benevivendo suenter igl dechrett dil chumin. —

Affirmeschel scho sth. Anselmo de Cortins mp.

[f. 111] A° 1764 ils 18 de 9ber

15 Efsend ina lodeivla vischnounca suenter la solit fuorma rimnada enfsemen, ei avon quella compariu il R. P. Joachim Zoller entras comifsion de sia fürñl. Grazia, domendont con dig ina ludeivla vischnounca garegi da ver la aua per manar la resgia, nua che ina lodeivla vischnounca, entras in unit pli ha declarau che la resgia deigi ver l'aua enschavend 20 il εμπrem de Maig entochen il εμπrem de November, con cautier obligar il pofsur de quella resgia, che enschavend il εμπrem da Maig sco ei deg seigi era obligaus de continuar vinavon continuameing de resgiar senza callar aschi dig sco seigi lena, sinaquei che en quei tems determinau pofsi vigni resgiau senza che la lena vegni lavigiada mintgia mai aber adina a 25 quels della vischnounca avon ad jasters.

Suenter de quei ha il sura nomnau R. P. Joachim Zoller entten num del siu principal sco sura faig la demonda, sche ina lod^a vischnounca haigi enzatgei contrari che la ven[e]rabla Claustra sco pofsesura dil nief mollin gron, premdi laua tier quel entras il vau nief faigs entras il cortin 30 davos mollin nomnaus.

Sin il qual ina lod^a vischnounca ton sco vida il general vegni haigi quella nuotta contrari de schar manar entras il nief faig wau wul aber denton che vegni nuotta pregiudicau ad auters che pofessen ver pretensiun tier quella aua.

35 il di sco sura entten il medem tems ha il sigr. land^a Mathias de Caprez mes ina protesta la qualla el ha garigiau de metter entten

il codis della vischnounca, concernent de quella materia che ei sco suonda, che entalgient el che vegli nescher ina dispetta denter ils interefsai

dils mollins a falluns dadens a dadora davart posseder quella aua, la qualla vegni manada iregularmeing, senza nigin risguard 1^{mo} con sara si a far vuors enten il wau general 2^{do} wegni ei alzau il wau dadora et dadens enconter il wig pli a pli fleivel a schuach, tut per ton pli maneivel poder els quella aua guder, 3^{tio} deigien ils possurs digls mollins a falluns esfer 5 obligai de mantener ina sufizienta falla entras la qualla ei possi vignir bes davenda de lur wau enten il wau general il tems che laua crescha per esfer avon tuts dons — [p. 112] 4^{to} Duefsi vignir manteniu et schubergiau il lur wau sina quei che la aua momi per quel senza pregiudezi de nigin, ner per ils quals motifs pia ei staus naunavon il sura bein nomnau sig^r land^a 10 Caprezs con intgin auter particular en staj naunavon figent entalir che entras quei podefsi oz ner damaun esfer caschun de grons dons et pregiudezi (sco schon leider seigi experimentau:) de particulars et general, et aschia protestien els per sasezs et per ils lur, per tutta quei che ad els enten particular ner entten general, seigi pervendas ner autras causas pias gene- 15 ralles enconter ils enteresai digls mollins et falluns et resalven lur dregs enconter quos mellins.

Die et a^o et ubi ante

Stat naunavon sig^r str^r Anselm de Cortins il qual protesta sche entras prender la aua dadens giu vignielsi priu daven la aua per sufizient, 20 et complein baseing dil hof de Clius, nua che il R. P. Joachim Zoller ha sedeclarau, che quei che vom tier la aua per sesurvi per il hof, deigi quel senza contradizium ver ils dregs avon.

[p. 113] 1766 d. 20 May à Thron.

ei sei enten il liug sollit, entras il pli maun vigniu concludi dina 25 entira ludl. vischnaunca, che ei deigi bucca vigniu dumendau de dar ora pistira nè per cumpra, nè per schengeig, refselvont per glendischdis Tschuncheisemas deigi quei vignir dumendau, enten cas che ei fus enzitgi, che les gergiar. et per meglara confirmatiun de quei ha str. Chreft Mathias von Chreften faig fut, sco stathalter seia aigna noda casa

+ 30

[p. 108] A^o 1769 sin mardis schuncheisemas avon la entira ludeivla vischnaunca suenter la solita ifsonza redunada ei comparius Herclj Capaul suplicond che ina ludl. vischnaunca de à gli gratiufsameing favorir il vischinadi, che el possi senza impediment restar cau en la vischnaunca a habitar et vischinar adual ad in auter vischin, con goder tuts privilegis de vischnaunca, 35 et gravezias che porta con sasezs a scadin vischin de vischnaunca il qual ei de ina ludl. vischnaunca en consideratiun dils buns deportaments dil suplicond a gli suenter siu garigiar aschi dig sco el vivi accordau, et gratis concediu in fede

Gion Tomas Caplazi str.

[p. 114] 1772 ils 28 8bre een Thron

sunter efser denter la nolsa lud^{la} vischnounca a in particular neschiu a leventau si ina dispetta, la qualla havefs pudiu trer suenter dispettas et schliattas consequenzas, sche ei sei, tuccont tier las lavurs cuminas, à las 5 quallas la geitgia tediusa dispetta p[er]teneva vigniu diña entira vischnounca sin il liug solit, faig et concludiu, modo provisorio.

1^{mo} Quei che entoccen encau seigi vigniu faig, deigi purtar niginas consequenzas et chei deigi efser miert et setrau. decaunderia aber vegli la vischnaunca che tuts quels, che schalsien vi la rauba a melfas / quei 10 ei quels che een de nolsa vischnaunca: / deigien erra efser obligai d'ira à las lavurs cuminas, adual als auters vischins

2^{do} schinavont scò nolsa lud^{la} vischnaunca laider ei feig suttoposta à las lavurs — cuminas, et biars vischins, van stad et unviern à melfer, et aschia entoccen ulsa mai maven sut quellas gravezias, las quallas à 15 schiglioc tuts ri(s)chs et paupers esser obligai d'observar. Schè ei sei erra bucca meins vigniu faig d'ina lud^{la} vischnaunca entras il pli, che quels, ils quals seigien vischins della nolsa vischnaunca et momien sut servetschs / : ils servetschs generals een nolsa vischnaunca pri ora: / deigien erra efser obligai de metter lur uvser sin ina lavur cumima, et non mattent deigien ei 20 mintgia gada esser curdai eèn stroff de 20 k. Baltasar de Mont st. ppo

Ils 5 de Juni 1785. en Trun ei sin la ordinada visn^{ca} compariu e seprentaus il Ludovic Nay et ha schau proponer et supplicar de agli favorir de schar far cuolm ord la accla de Accla Plauna ilg qual ei ad el senza anstand favoriu. Jin fede per comifs. dilg st^r Jacob Hrest Volf 25 sceret de mei J. C. Nay.

[p. 116] Ano 1785 ils 6 de Martz

Ei suenter la solita isonza vigniu dau visn^{ca} de calonda Marza per prender si ner confirmar ton ils R. R. sig^{rs} Spirituals sco era calusters et ugaus dellas baselgias et spendas nua che ei glei tut confirman et ilgs 30 calusters aschinavon sco quels vevan finiu ils ons che ei eran stai pri si sche en ei ton quel de nolsa Duna sco de Trun e Camplun vigni pri si s' ilg evignien unitameing per 4 ons. Daventau gi ad on sco sur e sulet de mei Johan Caspar Nay girau.

Sin la medema visn^{ca} aschinavon sco ilg Reved., seg^r sur Joseph 35 Ant. Vön era bucca prius si pli dig che tochen sin ilg present, sche ha la ludl. visn^{ca} denovameing priu si sin dus ons decau naven cun conditiun che el fetschi bien dilg rest resalva la ludl^a visn^{ca} de cau ad in on.

[p. 118] Anno 1788 ils 2 de Marz sin la solita rimnada visn^{ca}. de calonda Marza ei vigniu de part de quella parinameing concludiu e serau